

CLARIFICATIO SERI LACTIS.

Serum Lactis, ut supra paratum, turbidum adhuc, & albicans, agitur cum ovi albumine: Bulliat, & inter ebullitionem inspergatur.

Cremoris Tartari, grana octo.
pro singulis Seri libris. Fiat colatura, quæ quidem, si non sit perfectè limpida, per chartam bibulam (penitus refrigerata) trajiciatur.

CAPUT X.

DE SUCCIS LIQUIDIS VEGETABILIVM.

Vegetabilium Succus est substantia quædam expressa ex particulis aquosis, salinis sulphureis, terrestribusque composita, quæ media aeris oppressionem, & calore subterraneo augetur, ut è terra, per fibrarum radicum ora, nutritionis, auctioris gratia ascendens, totam per plantæ substantiam circuletur; modo eodem, quo sanguis, aliæque fluida in animantibus.

Omnes Succī triplici modo, ex simplicibus extrahuntur: nempe per incisionem, expressionem, & digestionem; per incisionem, v. gr. aqua ex vitibus, liquor betulæ, bryoniæ, scammonii, aloes, & similia; per expressionem eliciuntur Succī ex caulibus, foliis, floribus, radicibus, & fructibus; per digestionem denique, ex aliquibus Vegetalibus, & Insectis separantur.

Diversimodè tamen Succus ex prædictis extrahitur. Caules enim, & folia exprimuntur hoc modo.

R. Caules, & folia recentia, succulentaque, hoc est, priusquam flores, ac semina emittant, ab impuritatibus per lavationem mundata, quæ in mortario lapideo

probè pistentur, donec redigantur in massam, deinde in vase terreo vitreato per horas octo macerentur, ut Succus liquidior fiat, & in torculari exprimantur: Succus expressus igne lento ebulliat, ut clarificetur, coletur, & in vase vitreo reponatur.

Modo simili extrahuntur Succī sequentes.

Abfynthii,
Agrimonīæ,
Fumariæ,
Plantaginīs, & similia.

EX FLORIBUS VERO SIC.

R. Florum à calicibus mundatorum, . quantum placet. In mortario marmoreo pistentur, quatuorque horis macerentur, deindè prælo Succus exprimatur, qui in vase vitreo insoletur, donec clarescat, & per decantationem separatus, modo supradictō ufui servetur.

Hoc modo extrahitur Succus Florum.

Papaveris Rhæados.
Rosarum Alexandrinarum.
Rubrarum.
Violarum, & similia.

EX FRUCTIBUS CARNOSIS SIC EXTRAHITUR.

R. Fructus carnosī maturi, . . . quot libuerit. radula deterantur, ac per decem horas macerentur, factaque expresseione Succus eliciatur, qui deindè per quatuor dies insoletur, & Succus clarus per inclinationem separetur, ufui servetur. Ut v. gr. sequentes Succī.

Cydoniorum.
Cucurbitæ.
Melonum.
Pomorum, & similia.
Radicum Bryoniæ.

Cucumeris.

Iridis, & similia.

SUCCI LIMONUM EXTRACTIO.

R. Limonum, quot libuerit.
Medulla succosa à corticibus carnosis separetur, & leviter contundatur, præloque exprimatur, & Succus per residentiam clarificatus ad usum reponatur.

Similiter exprimuntur Succi.

Aurantiorum.

Citri, & similia.

EXTRACTIO SUCCI GRANATORUM.

R. Malorum Granatorum, quot volueris.
Ex eis grana (à corticibus exterioribus, pelliculisque separata) constringantur manibus, & confricentur, mediaque expressione Succus elicitur, ac per subsidentiam purificatus usui reponatur.

EXTRACTIO SUCCI MORORUM.

R. Fructus Mororum maturorum, quantum libuerit.
Blandè contendantur in mortario marmoreo, & facta expressione, Succus per subsidentiam purificatus servetur ad usum.

Eodem modo extrahitur Succus.

Fragorum.

Cerafforum.

Agrestæ, & similia.

PER DIGESTIONEM EXTRAHITUR SUCCUS

EX HERVIS VIRIDIS HOC MODO.

R. Herbæ Viridis, quantum placet.
In mortario marmoreo contundatur, donec in massam redigatur, injice in cucurbita figulina vitreata, benè

obturator, & in clybano ponatur ad horas sex, deindè aperiat-
tur, succusque per inclinationem separetur, & usui servetur.

EXTRACTIO SUCCI LUMBRICORUM.

ETSI LUMBRICI NON SINT VEGETABILES.

R. Lumbricorum terrestrium, . . . quot volueris.
Immite in vas vitreum angusti orificii, optimè clau-
sum, deindè in clybano, instar panis coquatur, peractaque
coctione, lumbricos in liquorem resolutos invenies: filtra,
& ad usum serva.

Nota primò: quod omnes Succi, qui clarescieri, vel coqui
debent cum saccharo, aut melle, vel admisceri debeant un-
guentis, vel emplastris, defœcatione haud indigent. Secundò:
Succos vinosos Soli exponendos, ut clareant. Tertiò: Plan-
tis aridis ferventem aquam addendam esse. Quartò: Omnes
Succi acidi colorem mutant in vasis æneis, aut ferreis. Quintò:
Succi defœcati servari debent in vasis vitreis colli longioris,
superaffuso oleo olivarum.

